



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>


Ger L
1040
342.30

WIDENER



HN ZR78 V

Inv L 1040.342, 30





„AUS“
Isarwinkel.

GEDICHTE

IN OBERBAYRISCHER MÜNDART

VON WILHELM DÜSCH

VERLAG:

CÆSAR FRITSCH
(HEINRICH FRUCHT)

MÜNCHEN

Digitized by Google

1907

Ans'm Isarwinkel.

Gedichte

in

oberbay'rischer Mundart

von

Wilhelm Dusch.



München 1897.

Verlag

von Caesar Fritsch (H. Plach).

Ver 4 1040, DT 2.00

~~824.31.3~~

6

1040

1040

1040

Harvard College Library
Von Maurer Collection
Gift of A. C. Coolidge
July 18, 1904

366

Seiner
teu'ren Mutter
in unauslöschlicher
Liebe und Verehrung
gewidmet
vom Verfasser.


Inhalts-Verzeichnis.

	Seite
1. Grüaß Gott!	1
2. So san's bei uns.	2
3. 's Radl.	4
4. D' Versicherung.	5
5. D' Sühn.	5
6. Der Hias.	6
7. Schelmisch.	7
8. Da Lehra.	7
9. Am Scheibenstand.	8
10. 's Stuhlfeß.	10
11. Weil's pressiert.	11
12. A Pfiffitus.	11
13. Vom Raaff'n.	12
14. Der Süßling.	12
15. Der Pfarra und 's Deand'l.	13
16. Vom Regelscheib'n.	14
17. Abg'fahr'n.	17
18. D' Berliner.	17
19. 's Hemmadnöpfi.	18
20. 's Weud'lstoakircherl.	19
21. Der Bua.	21


	Seite
22. Der Vegetarianer.	21
23. A guate Ausred'.	22
24. 's Quafeis'n.	23
25. Vom Heirath'n.	24
26. Schlagfertig.	24
27. 's schwache G'schlecht.	25
28. D' Ehg'moaschaft.	26
29. Aha.	27
30. D' Leut.	28
31. D' Perronsperr'.	29
32. Der Dr. Liebig und der Bauer.	30
33. Bei der Audienz.	33
34. D' Werbung.	34
35. 's Loos.	34
36. Der Lenz.	35
37. Der Dominus vobis.	37
38. 's Rifei.	38
39. D' Zeitung.	39
40. Am Freita'.	40
41. 's Wend'Istoahaus.	41
42. Beim Äpfelstehl'n.	42
43. Die g'fährlich'n Aug'n.	44
44. G'schlenkt.	45
45. 's g'schaamige Deand'l.	47
46. 's Raibi.	48
47. D' Rud'ln.	49

	Seite
48. Sie oder Du?	50
49. D' Rathl.	51
50. A Schlaumeier.	52
51. 's Zähl'n.	53
52. 's Drangelb.	53
53. 's Legat.	54
54. Der Liabsbriaf.	54
55. Der Heiratsvorfaß.	55
56. D' Erbschaft.	55
57. San aa scho' g'nua.	56
58. Die mildernd'n Umständ'.	56
59. Zwoa Freund!.	57
60. A triftiger Grund.	58
61. D' Prebi'.	58
62. D' Leonhardifahrt.	59
63. Verschiedene Auffassung.	60
64. G'müathli'.	61
65. D' Wetterbitt.	62
66. Blauaugete Deand'In	63
67. Zum Schluß.	64





Druck von A. Fröhlich, München.



Grüaß Gott!

Grüaß Gott beinand', jekt waar i' do,
Nehmt's mi' halt freundli' auf,
Von uns're Berg drob'n bin i' 'ro,
Wo d'Iser suacht ihr'n Lauf.
frisch, wia ihr Wasser, is mei' G'müath,
Mei' Sinn is aa so wor'n,
Und wo am Berg da Almrausch blüaht,
Da drob'n bin i' gebor'n.
Mei' Ziel'n und Trachten geht dahi',
Dass i' Ent' g'fall'n thua,
Und bal i' diam aa holpri' bi',
Denkt's: 's is a Bauernbua.
I' hoff, dass's mit mir z'fried'n seid's,
Und bal mei' Zweck mir g'lingt,
Bist dengercht i' no' heut an Storch,
Dass er mir G'schwister bringt!

So san's bei Uns.

A Kerl wie a Bär,
Nöt z'foast und nöt z'speer;
An die Arm starke flag'n,
Und guat g'stelle Hag'n;
An Schnurrbart dazua
Hat bei uns jeda Bua!

A wolterne Schneid,
Zua foam Deandl nöt z'weit.
A Hüat'l nöt z'nenna
Koa farb' kannst mehr fenna,
A Gamsbart is drob'n;
Im Maul steckt der Klob'n.

A Jopp'n, die g'stickt is,
An Bauchgurt, der g'stickt is.
An Knicker im Tasch'l
Und 's Enzianflaschl.
Bal's Raaffa geht o'
Stellt Jeder sein Mo'.

Sei' G'müath, dös is edel;
Er braucht koa Giletel.
Kniahösl von Leder
Die hat bei uns Jeder,
Und a Hemad nöt z'fei',
Dös muaß a so sei'.

Wia a Wiesbaam die Wad'In,
 Sieht gern schöne Mad'In.
 Im Fingerhack'In tüchti',
 Beim Schuahplattl'n wichti'.
 Um Zitherg'spiel Schlag'n
 Da brauchst'n nôt z'frag'n.

fest g'nagelte Schuah
 Und an Stutz'n dazua.
 Mir kann eahm verdriaß'n,
 Mag gern Scheib'nschiaß'n,
 Kriagt jed'smal sein Preis,
 So is in der Weis'!

Auf d' Berg steigt er auffa
 Muaf nôt lang verschnaufa.
 Im Jod'In und Singa
 Beim Tanzen und Springa
 Da is er der Best'
 Von jeher scho' g'west!

Gern hat er sein König
 Und ehrt'n nôt wenig,
 Gott, den laßt er walt'n,
 Und hört auf die Alt'n.
 fidel alle Zeit,
 So san bei Uns d' Leut!

's Ead'l.

Mei' Schatzerl, dös g'freut mi',
 Do' Dans sollt' nöt sei',
 Bei der Nacht, da schlaaft's d' Ead'ln
 Und laßt mi' nöt nei'.
 Da denk i' mir neu!i'
 Dö G'schicht wird ma z'dumm,
 Dös Ead'l, dös Ead'l,
 Dös bringt mi' no' um!

 J' hol' mir a Coaterl,
 Und loahn's sacht i' o',
 Steig' auffi bis z'oberst,
 Und floss' schö' staat o'.
 Da schaug, schaug — auf oamal,
 Ja — kann denn dös sei' —
 Is offa ihr Ead'l,
 Mei Schatz laßt mi' nei'!

 Und herzt mi' und buffelt,
 Und is voller freud,
 Do' i' bin ganz damisch
 Und bin wie nöt g'scheidt.
 — Do' 's Deandl dös lacht g'rad:
 „Dös Da sag' i' Dir,
 „Desz'weg'n hon i' 's Ead'l zuag'macht,
 „Daß d' g'wiß kimmst zu mir!“

D' Versicherung.

„Geh Hans, laß' Di' halt aa aufnehma,
 „Ma woaß ja nôt wia's oft thuat femma,
 „Baltst stirbst, friagt tausad Mark Dei' Wei'
 „Schaug, Hans'l, dô san nôt von Blei!“
 So sagt der Lehrer zua an Bauern
 Und plagt si', es is zum Bedauern.
 „„J' mag nôt, dôs waar's rechte G'frett
 „„Um tausad Mark? — Da stirb i' nôt!““

D' Sühn'.

Der Kasper hat 'n Hans schimpfiert,
 Der geht glei' her und prozessiert,
 „Vergleichen“ moant beim G'richt der Da,
 Dôs will der Hans halt gar nôt thoa.
 „Und bal i' eahm a All's verzeih,
 „A Sühn, die zahlt der allawei!“
 „„A Sühn — so, was verlangst von mir?““
 „No' mei', na' zahl halt a Maß Bier!“

Der Hias.

Mit'm Kranksei', hat a Holz knecht
 Dös allerwenigst' G'frett,
 U söller Mensch, der hat ja
 Gar soane Nerv'n nöt.
 Da Hias, vom Bruckbräu kimmt er raus,
 Und hat an Summsa, dös is aus!
 Es war scho' Mitternacht, der Lackl
 Macht aber do' an Mordsspektak'l;
 Auf oamal aber is er staad,
 In d' Iser hat's einidraht.
 Tiaf war's grad nöt, a wengerl kalt,
 Es war so um Neujahr rum halt.
 — Der Hias, der krabbelt wieder raus
 B'suffa, und naß als wia a Maus,
 Erst in der Fruah, da sieht der Mo'
 Eiszapf'n an der Jopp'n dro':
 „Sakra, jekt geht's ma endli' ei'
 „Ja, d'rum, i' hon scho' allwei' gmoant
 „J' müaßt gestern, wo naß wor'n sei'!“

Schelmisch.

„Was hat denn die Eisl, weil's gar a so springt?
 „Kreuzschnackerlfidel is's, und jodelt und singt,
 „Daß die jetzt an Schatz hat, da mach' i' a Wett!“
 „„Na, na,““ sagt die Eisl, „„an Schatz hon i' nôt.““
 „Was hast denn Du nacha, Du Kreuzsag'ndi?“
 „„Balst moanst Du muaßt's wissen,
 „„Der Schatz, der hat mi'!““

Da Lehra.

„Da Lehra is a guater Mo'
 „An dem i' nir aussetz'n fo',
 „Nur Dans, dös bringt mi' ausanand,
 „Sauf'n fo' der, dös is a Schand!“
 „„Den Zorn, den moan i', den funnst d' g'rath'n,
 „„Dös bringt ja dengerscht Dir foan Schad'n.““
 „So? J', i' mach' mir scho' was d'raus,
 „Da geht dem Wirth ja 's Bier z'g'schwind aus!“

Am Scheib'nstand.

U Scheib'nschiaßat, dös is heut,
 Da spielt der Wastl fei' an Herr'n
 Scho' lang hat er si' da d'rauf g'freut
 Dö Woch, wollt's gar nöt Sunnta' wer'n.
 Der Schütz'nzug, der is fei' rar,
 Da steigt der Wastl nob'l mit
 Wie Er der Schütz'nmoasta waar,
 So stolz und g'meß'n is fei' Schritt.
 — Und drauß'n erst am Scheib'nstand,
 Da stellt er si' in Positio'
 An Stütz'n in der recht'n Hand,
 Als wollt' er sag'n: „Jetzt fang I' o'!“
 Natürli' schiaßt er blos auf's Haupt.
 Der erste Schuß is glei' scho' nir:
 „So ebbas hätt' do' neamads glaubt,
 „Ja Donnerwetter, Sakrifiz!“
 Um an Ausred wird er nöt verleg'n:
 „Der fehlschuß war mir eh' scho' g'wiß,
 „Dös hat ja do' a Jeder g'seh'n
 „Daß mir der Schuß auskemma is!“
 U's zwoatmal trifft er wieder nir.
 Da schreit der Wastl: „Sag' ma's g'rad,
 „Was hat denn heut die dunime Bir,
 „Daß die an söllan Linkschuß hat?“
 Da trifft's an Wast'l wie a Guß,

Denn hint'n schreit der Simmerl vür:
 „„I' moa, Du hast heut aa Linkschuß
 „„Dom Kolberbräu sei'm Schütz'n Bier!““
 S'dritt'mal trifft er 'n Scheib'rand:
 „Da möchst ja do' glei' d' Big wegschmeiß'n,
 „Und balst d' aa stehst als wia a Wand,
 „Der Wind, der muaß an Schuß verreiß'n“.
 Diaweil'n geht a Lüfterl blos
 So staad, daß kaum a Kranker g'spürt,
 Die Andern schiaß'n All' famos,
 Und nöt an Danzig'n hat's scheniert.
 — Der nächste Schuß, der geht in d'Luft,
 Der Wastl schaut: „Der is um's Eck,
 „Dös Pulver hast umsonst verpufft!“
 So ruast eahm zua der Krinnerbäck.
 „Jetzt hör i' auf, und möcht' mein Ruah!“
 So schreit voll Wuath der Wastl glei';
 „So is's, bal Dir in aller Fruah
 „Begeg'nt a alt's Kräut'lwei'.
 „Und thuast was d' magst, da triffst halt nir,
 An söllam Tag, g'hört 'm Teufi d' Big!“

's Stuhlfeſt.

Der Sepp und d' Nand'l ſan Brautleut' z'samm,
 Und weil's d' Papiera aa ſcho' ham,
 So ſeit ſi' nix zum Kopulier'n,
 Bloß 's Stuhlfeſt müaß'n's no' riskier'n.
 Die Vorſchrift is a mal a ſo,
 „Bedor Dans heirat',“ ſo hoaßt da,
 „Muaß dengerſcht no' a Prüfung b'ſteh'
 „Ob's aa ſein Katechiſi' ſo',
 „Und muaß deßweg'n zum Pfarra geh'!“
 Willſt Deine Kinder guat erziahg'n
 Muaßt ſelber ham a Religio',
 Soll'n die an g'recht'n Sinn mal friag'n
 Muaßt ſelm di' zoag'n als chriſtl'a Mo'.
 — Der Sepp und d' Nand'l genga auffa,
 Vor Angſt ſcho' fönn'a's nimmer ſchnaufa.
 Der Pfarra is a guater Herr,
 Spricht's freundli' o' und thuat no' mehr,
 Biat' eahna Platz zum Niederſitz'n,
 Denn jezt hoaßt's im Exama ſchwitz'n,
 „Nun, Hans, möcht' ich von Dir gern hör'n
 „Wieviel Hauptſtück' zur Taufe g'hör'n?“
 Der Hans b'ſinnt ſi' nöt lang dabei:
 „„Zur Taaf, Herr Pfarra, da g'hör'n drei!““
 „Haſt's in der Schul' einſt ganz gut g'macht,
 „Beſinn Dich, Hans, 's iſt falſch, gib acht;
 „Wort Gottes ſind's und Waſſer nur,
 „Jedoch vom dritten keine Spur!“
 Jezt aber lacht er beinah auf,
 Der Hans, und ſagt zum Pfarrer d'rauf:
 „„Wie bringa denn Sie 's Taafa z'samm',
 „„Herr Pfarra, bals' ſoan Täufling ham?““

Weil's preßiert,

Der Hias a reicher Bauernsoh'
 Vom echt'n Proß'nbauernschlag,
 Der macht si' heut in d' Stadt davo',
 Denn heut is ja sei' Namenstag.
 Und wia er kimmt auf d' Eisenboh'
 Da klopf't er glei' an Schalter no':
 „Nach Münka," sagt er, „möcht i' eini,
 „Sei' zwoata Klatz', heut hon i's schleuni'!"

A Pfiffikus.

J' Lenggries am Sunta' in der Fruah,
 Begeg'nt mir a Bauernbua.
 Kniahös'l hat der Bursch nur o',
 Wia der nur dös aushalt'n fo'!
 's war spaat im Hirt'scht und woltern kalt,
 Und pfiff'n hat der Wind mit G'walt.
 J' red'n o' und halt'n auf:
 „Friert's Di' in dene Hös'l nia?"
 „„In d' Hös'l nöt,"" so sagt der d'rauf,
 „„Aba diaweil'n in d' Knia!""

Vom Raaff'n.

An Burschen, den hat der Erposi' mal g'fragt,
 Warum mit die Andern er si' nôt vertragt?
 Wird irgendwo g'stritt'n, da is er dabei,
 Bei jed'm Spektak'l und Mordsraafferei:
 „Hast Du denn vergeß'n, daß Du als a Christ
 „Und römisch-katholisch erzog'n wor'n bist?“
 „„Verzeiht mir's, Hochwüld'n, i' bitt Ent, in Gnad'n
 „„Schaugt's, Alles, nur 's Raaffa, dös kann i' nôt
 g'rath'n,
 „„Denn nir auf der Welt is, wia 's Raaffa so schö'
 „„Viel schöner als d' Liab' is, bal's — z'samma
 thuat geh'!““

Der Süßling.

Der Toni sauft als wia a Stier,
 Den ganz'n Tag sitzt er beim Bier.
 's Nandei, sei' Uhd'l sieht dös o'
 Und hat an groß'n Jammer dro'.
 Oft hat's eahm geb'n a guate Lehr,
 Do', mei, Gott, da hilst's Red'n nir mehr!
 „Schaug, 's Viech,“ sagt's, „dös sauft bis 's hat gnua,
 Und Du sauffst g'rad in oan Trumm zua,
 „Is 's Viech nôt g'scheidter, dös sag mir?“
 „„Ja, 's Viech — dös sauft ja aa foa Bier!““

Der Pfarra und 's Deand'l.

„Deanderl, auf's Busselgeb'n laß Di' nôt ei',
 „Deanderl, schaug, 's Busselgeb'n sollt halt nôt sei'!“
 Sie schüttelt's Köpferl d'rauf, kanns gar nôt glaub'n!
 „„Ham mir do' 's Buss'ln g'lernt g'rad von die
 Taub'n

„„Die hat der Herrgott als Muster vorg'stellt,
 „„Daf mir wie sie soll'n leb'n auf dera Welt!
 „„Und dös sollt unrecht sei'?
 „„J' seh' 's nôt ei'!““
 „Deanderl, laß 's Busselgeb'n, bist ja so zart,
 „Deanderl, vom Busselgeb'n friagt ma' an Bart!“
 's Deandl: „„Herr Pfarra,““ sagt's, „„dös is nôt
 wahr,

„„Hätt' ja mei' Muatta selm 's G'sicht voller Haar!
 „„Bal i' aa an Bart thaat friag'n was liegat dro'
 „„Moanat'n d' Leut halt dann, i' waar a Mo',
 „„Und hätt' an Schnurrbart i', als wie mei' Bua,
 „„Bussalt i' schleuni' an Vollbart dazua!““

Vom Kegelscheib'n.

So drauß'n in am floana Ort
 Is 's Kegelscheib'n der oanz'ge Sport.
 Ma' woaß si' da nur d' Zeit z'vertreib'n
 Um best'n mit'm Kegelscheib'n.
 Da schiabt der Pfarra und der Lehra
 Der Burgamoasta, diam no' mehra.
 Der „Herr“ Schandarm kimmt no' dazua,
 Denn Zeit, die hat der allweil g'nua.
 Und bal a „Blinder“ bleib'n sollt,
 Na' wird der Wirt holt aa no' g'holt.
 Der Lehra, der muaß d' Tafel führ'n
 Dös Amt, thuat eahm alloa gebühr'n.
 A Kegelbua is aa leicht z' find'n
 Buama san gnua beim Zuaschaug'n hint'n.
 — „Also, a Part'l laß' ma's sei',
 „Jed's Holz an Pfenning ham ma's glei'.“
 So sagt der Lehra. „„Ziahgt's, meine Herr'n!““
 Thuat der Gschandari aufbegehr'n,
 Und halt' an Jed'm d' Kart'n no'.
 „„Also, die Herz'n fanga o;
 „„Herr Pfarra, bitt' in's volle Haus!““
 Da rollt aa scho' sei' Kug'l 'naus.
 Ujegerl, scheidt der gar an Stier!
 Der Lehra denkt: „Dösmal wer'n's mir.“
 Und no' an Sandhaß'n dazua

Da schamt si' selm der Kegelbua.
 Der Lehrer treu als Adjutant
 Kommt jetzt, da is der Wirt scho' g'spannt.
 Der schiabt, so ebbas is scho' dumm,
 An Saunag'l alloani um:
 „Sie, scheint's, Sie ess'n's Schweina gern!“
 So laßt der Wirt si' dadrauf hör'n.
 „„No' wenn Sie's besser könne woll'n,
 „„Dann hätten Sie z'erst schreib'n soll'n!““
 Jetzt schreibt der Wirt, so fest er ko'
 Vor lauter Wuath, und wandelt o'
 Der Lehra glei': „„Dös war a Gix,
 für so was, Wirt, da kriegn's nir,
 „No' so an Schub, na' wer' ma Schneider!“
 „„Ja leider,““ seufzt der Pfarra, „leider,““
 Da raamt er ab im hellen Zorn
 Der Wirt: „Jetzt san ma's do' nöt wor'n.“
 Jetzt aber kemma d' Dachl'n dro'.
 — „Geh, Burgamoasta, fang Du o'!“
 Der legt scho' auf, und laßt's staat 'naus,
 Und alle Neuni lieg'n drauß'.
 „Juhuuu!“ schreit da der Keg'lbua
 Und schlägt an Purz'lbaam derzua,
 Dem Lehra wird derweil ganz bang
 Er schneidt' a G'sicht drei Ellen lang.
 U Waatsch'n is dem Buam g'wiß
 Bal wieder d' Schul anganga is.

A zwoata Schub, es is a Graus,
 Wird da jekt a Naturfranz draus!
 Jekt schreit der Bua als wia verrückt
 Dem Lehra hätt's bald d' Seel abdruckt.
 D'rin in sei'm Herz'n aber wird
 Dem Buam a „zwoate“ reserviert.
 Der Burgamoasta: „Habt's es g'spannt?
 „A so scheid'n mir im Oberland!“
 — Aa der Gschandari scheidt nôt schlecht
 Obwohl er's besser könna möcht',
 Denn d' Achtung vor die Obrigkeiten
 Derf selm im G'schpiel nôt Schad'n leid'n.
 Und jekt kimmt no' als letzter dro'
 Vom Dorf a bess'rer Bauersmo'.
 Der schiabt an Schuasterstuhl, o mei',
 Der Lehra schaut scho' hoat'rer drei'l
 A Pud'l folgt zur Letzt' no' drauf,
 Da schnauft aa der Herr Pfarra auf.
 „Aus is, aus is, zahl'n meine Herr'n
 „Dös nächste Spiel muas besser wer'n!“
 A Laffinett'l geb'n's no' zua,
 A Lübbel'l, na' is a Ruah.
 Und is's aa alle Tag dös sell'
 As Kegelscheid'n is do' fidel!

Abg'fahr'n.

U Jagabursch sagt zua der Dirn:
 „Erst neuli' hon i' 's 'troffa,
 „Daß Du Dei' Fenster zuag'macht hast,
 „Und i' hätt's so gern offa!
 „D'rum laß 's morg'n auf,
 „Na' is ma's recht,
 „Schaug, i' vergeh' ja schier
 „Vor Liab — Weil i' Di' gern ham möcht',
 „So kimm i' morg'n zu Dir!“
 „„So, morg'n?““ sagt d' Dirn,
 „„Ja, is dös wahr?“
 „„Du kannst mi' gern ham
 „„— 's ganze Jahr!““

D' Berliner.

Kimmst da, 's war im vergang'na Jahr
 In d' Berg a norddeusch' Ehepaar.
 Sie roas'n aa nach Garmisch nei',
 An Zugspitz sehng'n's, da schaut sie fei'
 Ganz baff is da dös Weiberl g'wen:
 „Die sollte bei Berlin halt steh'n!“
 Doch er: „„Wo denkst Du, liebes Kind,
 „„Da müßte sie ja höher sind!““

's Hemmadknöpf.

Der Toni ziaht a Hemmad o'
 Da fehlt am Krag'n a Knöpf dro'.
 Ganz zorni' wird der Toni glei'
 Und schimpft ganz wüathi' über 's Wei' —
 Und über alle Weibatsleut'
 Da raisoniert er wia nôt g'scheidt.
 Daß ma's zu nir'n brauch'a fo'
 Allsamm san's z' dumm, so hat er tho'.
 Und d' Bäurin, sagt die nir' dazua?
 — Die is in d' Kirch in aller Fruah
 Und hat foa Sterbatswört'l g'hört
 Was ihra Mo' da aufbegehrt.
 Auf oamal hört der Toni auf,
 Sei' Bäurin kommt am Berg g'rad rauf.
 Blieb'n is der Toni mäuserlstaad,
 — Sei' Knöpf hat er selm o'gnaht!

's Wend'lstoakircherl.

Hoch drob'n auf'm Wendelstoa,
 Da steht a Kircherl winzi' floa.
 Hinbaut auf steiler Felsenwand
 Grüast 's 'naus in unser Boarnland.
 — Von Jedem, der da oben steht,
 Da woaf i', daß eahm 's Herz aufgeht,
 Bal' Daner da in d' Berg' schaut nei',
 Na' fällt eahm Gottes Allmacht ei'.
 Und bal' er na' in 's Flachland schaut
 Wo d' Sunn' scheint und der Himmi blaut,
 Da derf er sei', wer er nur will,
 Beim erst'n Blick — da wird er still.
 Dös Kircherl drob'n erfüllt sein Zweck
 Für dös da gaab's foan schöner'n fleck.
 Fruah sieht 's den erst'n Sunnastrahl
 Da ruast 's sein Morgengruaf in 's Thal
 Der flingt so 'naus in d' Däsamkeit
 Da schlägt dir 's Herz, und auf geht's weit;
 Und bal der Ton in d' Luft so schallt,
 So ziaht's Di' nei' mit Rieseng'walt;
 Und hast a Load nöt zum ermessen,
 Da drob'n wennst d' bist, da muaßt 's vergeß'n.

Am Abend, wenn zur Ruah is d' Zeit,
Na' tönt sei' Klang in d' Welt so weit
Als wollt' er trag'n in d' Menschheit 'naus
Den Frieden drob'n vom Gotteshaus.
Und 's Echo von der Felsenwand
Dös hallt'n 'naus in's weite Land.
Es hört's der Wald und der rauscht's z'rück:
Bleib' uns erhalten, Friedensglück!
Daß Frieden Du verkünd'st der Welt,
Bist, Kircherl Du, so hoch 'naufg'stellt;
Und bal i' a mal sterben thua,
Dann läut' aa mir zur ew'gen Ruah!

Der Bua.

U Bauernwei' möcht' in d' Kasern,
 Ihr Sohn is' d'rin, den sehat's gern.
 Da halt der Post'n auf dös Wei',
 Wo sie denn hinwill, fragt er's glei':
 „No, zu mei'm Buam, halt mi' nöt auf,
 „Er is ja drin!“ So moant sie d'rauf.
 „Was? Buam san nöt beim Militär
 „Blos Männer, mirk Dir's!“ So moant der.
 Daß d' Jungg'sell'n drob'n im Oberland
 Buam hoaf'n, war dem nöt bekannt.
 Da jammert's Wei' und d' Händ' schlägt's z'samm:
 „Wird wohl der Trops nöt g'heirat' ham?“

Der Vegetarianer.

Weil er's hat oft scho' lob'n hör'n
 Will a Vegetarianer der Girg'l wer'n.
 's war an am hoaf'n Julitag,
 Da macht der Durst eahm recht viel Plag,
 D'rüm geht er glei' an's Wirtshaus no'
 Und setzt si' auf die Bank vorndro'.
 Die Wirtin fragt nach sei'm Begehr'
 Ob Bier dös oder Mili wär?
 „Was sagst, a Mili? mir waar's g'nua,
 „J' sauf' jekt nix mehr von der Kuah,
 „U Bier möcht' i'!“ So moant der Planer:
 „J' bin ja jekt a — Vegetarianer!“

A guate Ausred'.

„Geh', Hans, geh' wieder mal in d' Kirch,
 „Verlernest ja z'lest 's Bet'n,
 „Schaug, mach's aa wia die andern Leut',
 „J' moan Du hast 's vonnöth'n!"
 „„Mei', Eisei', dös preßiert no nôt,
 „„Da hat's a guate Weil no' hi'
 „„Dös kann i' allaweil no' thoa'
 „„Bal i' an alter Krackla bi'!"
 „Red' nôt so gottlos, 's kann nôt fromma!"
 „„Jetzt schaug, wia mi' dös Weibat's plagt,
 „„Lasset die Kindlein zu mir komma,
 „„Von die Manner hat der Herr nir g'sagt!"

's Huafel'n.

Daß uns're liabe Münch'nerstadt
 Koan Mangel an Denkmäler hat,
 Dös kannst scho' im Bädeler les'n
 Und woast a's selm, balst d'rin bist g'wesen.
 Auf so am Denkmäl hat a Pferd
 Am Vorderfuasß foa Eis'n dro',
 Dem Kurfürst Max dös Denkmäl g'hört
 Wie ma am Sock'l les'n ko'.

Da schaut si' mal a Bauersmo'
 Von Mitt'nwald dös Denkmäl o'
 Und sieht, als Landwirt, dös is g'wiß,
 Gleit, daß der Gaul nót b'schlag'n is.
 Da geht a Packträger vorbei,
 „Du,“ fragt er den, „geh' sag' mir's gleit'
 „Was is denn da mit dem da los?
 „Dös is ja gar nót b'schlag'n dös Ross!“
 „Dös,“ moant der Da, „braucht's auf foan Fall,
 „Der Gaul is so ganz aus Metall!“

Vom Heirath'n.

„Was g'hört zua 'ra glücklich'n Heirat z'erst?“
So fragt der Lenz an Sepp a Mal:

„Ja, da g'hört weiter nig dazua

„Als wia a Geld auf jed'n Fall!“

„A was, dös muasß nót allweil sei'

„A rechte Liab!“ Schreit Daner drei'.

„A großer Hof, der g'hört derzua.“

So moant a dritter Bauernbua.

„G'sundheit!“ hat wieder Daner g'sagt,

„Und, daß ma' si' halt guat vertragt.“

„Daß Deine Kinder aa guat g'rath'n“

So hat der Wasfl si' verrath'n

„All's fehlg'schlag'n lacht der Lenz da schlau,

„Dös Erst', was d' brauchst, dös is a Frau!“

Schlagfertig.

Z' Holzkircha auf der Bahnstatio'

Da halt'n d' Züg a Zeitlang o'.

— A Bauer führt a Kaibi her

Und hat damit a g'waltig's G'scheer.

Mit lauter Ziahg'n und mit viel Zwang

Bringt er 's schd' staad am Zug entlang.

„Du Bauer, da is Platz herin!“

Schreit dritter Klaf' vorn Daner 'raus.

„Da san ja scho' g'nua Viecher d'in!“

So sagt der Bauer, und lacht'n aus.

's schwache G'schlecht.

Zwoa fremde sitz'n da a Mal
 D'rin in der Stub'n beim Wirt in fall
 Und red'n g'rad vom schwach'n G'schlecht,
 Dös hört daneb'n a Bauernknecht.
 Der stößt da glei' sein Spezi o':
 „Du Sepp,“ so sagt er, „da schaug' no',
 „Wia dumm als der da drüb'n redt',
 „Der kennt ganz g'wiß mei' Bäurin nöt!“

D' Eheg'moaschaft.

Auf Münka muaß der Naz' in's G'richt,
 Dös is a woltern fade G'schicht.
 Beim Wildern ham's 'n z'nachsch't'n g'fangt,
 Jetzt wird er ei'g'spirrt, daß er g'langt.
 Drei Monat ham's eahm auffi g'haut
 Da hat der Naz'l anderst g'schaut.
 Und wia na der Befehl is femma,
 Da thuat er aa sei' Wei' mitnehma.
 — Beim G'fängniswart'l flopft er o'
 Der hat eahm schleuni' auffitho'.
 Bei dem zoagt er sein Zett'l her
 Und sagt, daß er der Naz'l wär,
 Den's neuli' erst verurteilt ham
 Jetzt waar er da, in Gottesnam'l
 „Dös,“ moant derfell', „dös ham mir glei',
 „Nimm nur g'schwind Abschied von Dei'm Wei'!“
 „„Was Abschied? Na, dös sag i' Dir,
 „„Mei' Wei', dös bleibt herin bei mir!““
 „Ja, dös geht nöt, dös derf nöt sei',
 „Dös bal i' leidat, I gaang ei'!“
 „„Die muaß dableib'n,““ moant d'rauf der Da
 „„Mir zwoa leb'n ja in Eheg'moa!““

Abg.

D'r in der Schul halt mal a Lehr,
 Daß Gott üb'rall zugegen wär,
 U Lehrerin, und gibt si' Müah,
 Denn dös begreif'n d' Mad'ln nia.
 Viel Beispiel hat's scho' ausg'studiert,
 Und alles war umsonst probiert:
 „Denkt Euch: es ist die zehn Uhr Paus',
 „Ihr Alle seid im Garten d'raus,
 „Ich bin allein im Zimmer hier,
 „Wer ist da trotzdem noch bei mir?
 „Nun, Anna, sag's, wer ist denn das?“
 „„Der Herr Lehrer von der zwoat'n Klaf'!““

D' Leut.

„Ja, ja, wia d' Leut san, 's is a Kreuz!“
 So hört ma' tägli' flag'n,
 Den liab'n langa Tag bereits
 D' Leut' über d' Leut' so sag'n.
 J' wunder' mi' blos allawei',
 Daß Koaner da denkt dro',
 Daß er da selber is dabei,
 Und, daß's eahm aa geht o'.
 — Der Lenz sitzt drinna auf der Post
 Und schläft am Wirtstisch ei'
 Daneb'n is d'Wirtin, weil 's nig kost'
 Ratscht's mit 'm Lenz sei'm Wei'.
 Dös ganze Dorf ham's ausg'richt scho'
 Mit ihr'm Dischputier'n,
 Jetzt kimmt am Schmied sei' Tochter dro',
 Da thuat der Lenz si' rühr'n.
 Wie er so langsam aufg'wacht is,
 Hat er a Wort no' g'hört,
 Da hat's eahm geb'n an ganz'n Riß:
 „Was“ sagt er, „bin i' g'scheert?“
 „„Schlaf' weiter, Lenz,““ sagt d' Wirtin d'rauf
 „„Schlaf' weiter und sei g'scheidt,
 „„Mir ham ja do' von Dir nôt g'redt,
 „„Mir red'n ja von dō Leut!““

D' Perronsperr'.

Der Wast'l is heut in Münfa d'rin,
 Am Amtsg'richt hat er an Termin.
 Bis er na' seine Gäng' hat g'macht,
 Derweil is 's g'rad schö' wor'n „auf d' Nacht.“
 Im Wartsaal hat 'r an Xaverl troffa.
 Der is mit eahm zum Zug 'nausg'loffa,
 Den fragt der Wastl: „Da schaug na'
 „Was ham's denn jetzt für Gattern da?“
 „„I' moa,““ sagt der, „„da ham's abg'spirrt,
 „„Damit foa Viech nöt 'naustrieb'n wird!““

Der Dr. Liebig und der Bauer.

Es war am freita' in der Fruah,
 Da fahrt in d' Stadt der Dar'nbua,
 U Bauernbursch von Kindschdorf*) z'haus,
 Der Alt' is krank, jett muas Er 'raus.
 Un Korb voll Dar hat er dabei,
 Den b'sorgt er für a Nachbarswei'.
 Sein Zugbeut'l bis ob'n aufg'steckt
 Voll Guld'n hat er in Korb nei' g'legt.
 Die muas er zahl'n heut auf der Bank,
 Scho' des'weg'n is der Alte krank.
 — In Münka fahrt er was er so'
 Vor Schaug'n an am Randstoa oo'.
 Ja Deig'l, Deig'l, Sag'ndi,
 Zwanz'g Dar war'n auf oamal hi'.
 De n Auftrag kann er nimmer b'sorg'n,
 Der hat aa Zeit bis übermorg'n.
 Do' d' Bank wart' nöi, dös sell' is g'wiß
 Weil heut' der lezt' Termin scho' is.
 D'rum fahrt der Dara jett pfei'grad
 Uns Bankhaus durch die ganze Stadt.
 Und wia er dort is an dem Haus,
 Suacht er sein Lederbeut'l raus.
 Kaam hat er'n aufg'macht, o Malheur,
 Kriagt er vor Schreck soan Althem mehr;

*) = Königsdorf.

Wer hat die Hegererei jetzt g'macht?
 Die Guld'n, die san schwarz wie d' Nacht!
 Die drinna aber auf der Bank,
 Die lacha si' ja beinah' krank.
 Und wie's die G'schicht hör'n von die Dar
 Wird eahna all's auf oamal klar.
 Da hat der Daga anderst g'spannt,
 Wie's eahm dös setz'n ausanand,
 Daß d' Darbrüah, da Schuld sollt' sei'
 Dös geht eahm nur so halbet ei',
 Und d' Dar so a Wirkung ham
 Auf 's Silber, geht eahm nôt recht z'samm:
 „Sagt's mir um Gotteswill'n no'
 „Ob ma die Guld'n putz'n ko?
 „Ja Sakra, Sakra, dös Malheur,
 „Die Gulden nimmt koa Mensch nôt mehr!“
 „„Mei', Daga,““ sag'n zu eahm Die d'rauf,
 „„Da gehst jetzt glei' zum Liebig 'nauf,
 „„Der putzt die Gulden als wie neu,
 „„Und nacha — bringst as uns sei' glei'!““
 Der Daga fährt so g'schwind er ko'
 Auf dös hi' glei' zum Liebig no'.
 Bei dem, da fragt er ganz verduzt,
 Ob er 's is, der die Guld'n putzt?
 Der Liebig aber lacht dazu;
 „Verputzt,“ moant er, „hab' i' scho' g'nua,
 „Dös Unglück is nôt gar so groß,

„Die schmeiß' ma oafach in dö' Soss!“
 Der Affistent scho' dienstbereit,
 Schütt's in a Glas voll flüssigkeit
 Und dann a paar Minut'n d'rauf
 Hebt er 'n Deck'l wieder auf.
 — Der Dara lacht mit'n ganz'n G'sicht,
 Wie er die neuen Guld'n siecht.
 Und g'schwindi' fragt er voller Freud
 An Liebig um sei' Schuldigkeit.
 Der aber is a reicher Mo'
 Und nimmt foa Geld nöt von eahm o'.
 Desz'weg'n legt do' der Bauer frisch
 A Guld'nstück'l auf 'n Tisch
 Und deut' zum Affistent'n no',
 Der 's Lacha kaam verbeiß'n fo':
 „Dös Trinkgeld da, dö's gibst Dei'm Knecht,
 „Der lacht scho' so, als ob er's möcht!“

Bei der Audienz.

Zum Großherzog muafß in d' Audienz
 In d' Hohaburg der Fichtner Lenz.
 Sei' Sonntagsflüß'l ziaht er o'
 Und richt' si' z'samm' so schö' er fo'.
 Gar sauber war er beianand'
 Er halt' was auf sei' Sunntag'wand.
 — Wie er da einigeht beim Thor,
 Da kimmt scho' der Portier hervor,
 Und fragt 'n Lenz: „Wo aus, wo ei'P?“
 „„Zum Herzog,““ sagt der, „„möcht' i' 'nei',““
 „„für heut' hat er mi' einib'stellt,
 „„Dös siehgst, mit'm G'wand da bin i' g'stellt.
 „„Da find't der Herzog selm nir dro',
 „„D'rum zoag', wo i' eahm find'n fo.'““
 Der Do schaut auf'n Bod'n 'na':
 „So schwaare Nag'lschuah hast D' o'!“
 Der Boden, der war ganz frisch g'schmiert,
 Und hat die Schuah vom Lenz scho' g'spürt.
 „„Als ob dös aa nö' ebbas waar,““
 So moant der Lenz: „„Mir san's nötz'sch waar!““

A Stadtfrack, der hat si' in a Senn'rin verliabt,
 Do' sie will mir wiss'n; er is ganz betrüabt.
 Und wieder 'mal steigt er auf d' Ulm auffi heut',
 Jetzt muass si's entscheid'n, ob Ruck oder Schneid'!
 Er plagt si' ganz narrisch, und macht schöne Wort':
 „So werd halt mei' Weiberl, und geh' mit mir fort!“
 „„Was fortgeh',““ so lacht sie, „„schaug Du waarfst
 a Schelcha,
 „„Wer thaat denn herob'n meine Küah aft'n
 melcha?““

's DOGS.

„Hansei, greif' zua, faaf' Dir a Loos,
„Es kost' ja oans a Mark'l blos!
„A Mark'l, schaug, was liegt da dro'!
„Wirstu leicht damit a 'reicher Mo'!“
„Na, na, die Loos, die hon i' dich,
„Mit'm Spekulier'n hon i' foa Glück!““

Der Lenz.

Der Lenz, dös is a großer Raaffer,
 Der Stirkste is er in der G'moa,
 Um söllan Loder d' Schneid' o'fassa
 Dös überlegt si' Daner z'thoa.

— Am Sunnta z'nachsch't war Markt im Ort,
 Da kaast der Lenz an neuch'n Huat,
 Ganz fuchti' is er, redt' foa Wort,
 Ganz siri' is scho' heut' sei' Bluat.
 A Spielhoh'stoß, a Freud' zum Seh'g'n,
 So scho' is an dem Hüat'l dro';
 Den hätt' so mancher Bursch gern mög'n
 Und mancher schaut mit Neid d'rauf no'.

— Zum groß'n Wirt, da geht er affa,
 Da wird heut platt'lt, g'spielt und g'schnack't,
 Am Schluß kimmt's g'wöhnli' aa zum Raaffa
 Sunst is's nöt scho', werd' nöt g'spektack't.
 Üb'rall thuat da der Lenz halt mit,
 'S is kreuzfidel und lusti' blos
 Bis Daner hi' zum Bursch'n tritt
 Und fragt: „Geh, sag', was kost' Dei' Stoß P*)“

*) Übliche Aufforderung zum Raufen.

„„„As obithoa!“““ Der Lenz glei' schreit,
 Und stellt si' aa scho' richti' no',
 Und sirt a's hat er'n außseit
 Den Andern, der is g'schwind dervo'!
 Jekt aber, Herrgott, jekt geht 's los,
 Dös Da, dös war ja nur 's Signal;
 Da reg'nt's d' Schläg' und d' Maßkrüag' blos,
 Dös is für unser'n Lenz a fall.
 Und Alle hat er's außig'feuert,
 An Wirt no' z'lezt' und an Gschandari.
 An Knecht hat er scho' eh' verbleiert,
 Scho' z'weg'n der Sach' da, mit der Marie.
 Nöt Daner kunt's eahm abithoa,
 Ja, Schneef'n, da — am Bauch lieg'n's draus'
 Und schliaßli' is er ganz alloa:
 „Jekt habt's mi' gern!“ — Na' geht er z' Haus.

Der Dominus vobis.

Wia i' no' war a floaner Bua
 Bin i' in d' Kirch'n nei',
 's war an am Sunnta' in der Fruah,
 J' bin halt nei', o mei'.
 Verstand'n hon i' nig davo',
 Dös hat mir gar nig g'macht,
 J' hab halt wia a Großer tho',
 Recht ernst g'schaut und nöt g'lacht.
 Da draht si' der Herr Pfarra um,
 Schaut hi' auf's Kirchathor
 Und sagt: „Dominus vobis cum!“
 — Mir kimmt dös g'spassi' vor.
 Und wia er dös a zwoat's Mal macht,
 Schau' i' halt aa da hi',
 J' seh' halt nig und hätt' bald g'lacht,
 Übermüathi' wia i' bi'.
 U alter Bauer neb'n mir,
 Der hat glei' sakrisch brummt.
 „J' schau' ja blos,“ sag' i' zu eahm,
 „Ob der „Vobis“ nöt bald kimmt!“

's Eisei.

D'rin im Bräustüb'l z' Tegernsee
 Da bin i' z' nachescht g'wes'n.
 U Preuß', der sitzt in meiner Näh';
 J' thua g'rad' d' Zeitung les'n.
 Da ham's a junge Kellnerin d'rin'
 U Kind wia Milch und Bluat,
 Die geht dem Herr'n nôt aus 'm Sinn,
 Die g'fallet eahm halt guat.
 J' specht' so hinter d' Zeitung für
 Und thua mir's recht betracht'n,
 Da seh' i' wia derselle schier
 Vor Liab thuat ganz verschmacht'n.
 Sei' Mundwerk geht als wia a Mühl':
 „Ob sie an Schatz scho' hätt?“
 „„Freili“,““ sagt's Eisei, „„hon i' oan,
 „„Über — a Preuß' is 's nôt!““

D' Zeitung.

Der Herr Professa geht auf's Land,
 Mit seiner Frau und mit die Kinder,
 'Naus in a Gegend unbekannt,
 Denn da is's für die Nerv'n g'sünder.
 Bal's schön is kannst spacer'n geh'
 Und d' Zeit vergeht als wia im Traam,
 Bal's aber regn't, o, herjeh!
 Da moant ma d' Zeit vergeht oam kaam.
 D'rum fragt er bei sei'm Bauern o'.
 „Habt's ös foa Zeitung da herauf'?"
 „Wo ma' was Neu's d'rin find'n fo',
 „J' halt's vor Langweil' nimmer aus!“
 „„A Zeitung, na, die ham mir nöt,
 „„Schaug unferoan fo' dös weng schenier'n,
 „„Wia ma' da drauß'n oft g'scheidt red't,
 „„Und was's in d' Zeitung einischmier'n.
 „„Do' balst d' was Neu's d'ersfahr'n willst,
 „„Kann i' Dir leicht a Mitt'l sag'n,
 „„Brauchst d' blos zua meiner Bäu'rin geh',
 „„Bei der, da fo' ma' all's derfrag'n!““

Am Freita'.

Am freita' soll der Lenz in d' Stadt,
 Weil er d'rin a Verhandlung hat.
 Dös is eahm gar nöt nach 'm Kopf,
 D'rum hat er sa'r'isch g'schimpft, der Trops:
 „Die Sach, die is scho' eh' verlör'n,
 „Weil der Termin is ang'setzt wor'n;
 „Auf 's G'richt am freita'? fällt mir ei',
 „Da geh' i' oafach gar nöt nei'!
 „Am Samsta', da is aa a Tag,
 „Da geh' i' nei', ganz ohne frag'.
 „Am freita' könne's do' nix macha,
 „Bal J' nöt finim, dös is gen Lacha!“
 — Am Samsta' geht er nei' auf's G'richt.
 „Jetzt waar i' da, z'weg'n dera G'schicht!“
 „„Mei', Lenz, da kimmst ja eh' scho' z'spat,
 „„Weil ma' Di' scho' verurteilt hat,
 „„Dei' Gegner, der hat anderst g'lacht,
 „„„Wia's ham's Versaamnisurtel g'macht!“““
 — „Herrgott, so was hätt' i' nöt denkt,
 „Sakra, Sakra, jetzt bin i' g'schlenkt,
 „Ja drum', wia i' halt allweil sag',
 „Da freita' is a Unglückstag!“

's Wend'lstoaahaus.

Auf'm Wend'lstoa steht jekt a Haus,
 Da gibt's a Bier und aa r an Schmaus,
 An Kaiserschmarr'n, an Kaas, a Wurscht,
 Dom Steig'n da friagt ma' Hunger u. Durst.
 Wennst willst an Sunna Aufgang sehg'n
 So fo' dös jekt viel leichter g'schehg'n
 Da friagst a Bett, oder a Matraz,
 Was d' halt g'rad willst, und wia der Platz.
 Da derf a Wirt scho' 'was versteh',
 So geht dös G'schäft, is 's Wetter schö'.
 — Da hat 's an fremd'n int'ressiert
 Wia er denn z'fried'n is, fragt 'r an Wirt.
 „Ja, d'Einfehr“, moant der, „waar scho' recht,
 „Do' 's Gasseng'schenk, dös geht halt schlecht!“

Bei'm Apfelstehl'n.

Der Kramasepp von Wackersberg
 Der geht zum Obststehl'n 'naus;
 Da hint'n bei der Beurerwand*)
 Da san viel Obstbaam d'raus'.
 Der Meßner Lenz is aa dabei
 U Bürsch'l schmächti', floa,
 Der is bei jeder Lumperei
 Üb'rall muaß der mitthoa.
 'S Obststehl'n, dös is alloa nöt schö'
 Zu zwoat muaß ma' da sei',
 Herunt' muaß Doaner Post'n steh'
 Daner steigt auffi sei'.
 Der Kramasepp is' 'nauf am Baam
 Und schüttelt, was er fo'
 Der Lenz herunt' flaubt d' Äpfel z'samm',
 Auf oamal: „Sepp, schiab o',
 Da Bauer, dort'n kimmt er!“
 So schreit der Lenz, und Reißaus nimmt er.

*) = Benediktenwand.

Der Sepp behendi' wia r an Uff'
 Rutscht g'schwind vom Baam jetzt' ra',
 — Do 's is scho' spat, der Bauer steht
 Diaweil'n scho' vor eahm da;
 Hat neben sich an groß'n Hund,
 Da wird dem scho' ganz Angst herunt'.
 „Was hast Du auf mei'm Baam drob'n z'suacha,
 „Du Sakrament?“ So hört ma'n fluacha.
 Da hätt' der Lump si' 'nausred'n woll'n:
 „„J' hätt' ganz g'wiß foan Apfel g'stohl'n
 „„J' ho' blos sehg'n woll'n drob'n am Baam,
 „„Ob's ebba gar scho' zeiti' san!“
 Dem Sepp'l aber seine Ohr'n,
 Die san daz'mal aa zeiti' wor'n!

Die g'fährlich'n Aug'n.

Der forstg'hilf geht heut 'naus in Wald,
 Es is' koo Jagd, do' thuat er renna.
 — Er schätzt's, wia weit 's is, bals wo knallt,
 Jed'n Baam und Strauch, den thuat er kenna.
 Von jed'm Hirsch er d' End'n woass
 Und durch und durch kennt er's Revier,
 Kennt jedes Kitz, a jede Goas
 Derwischt an jed'n Holzdiab schier,
 Zum forstdienst thuat er treffli' taug'n,
 Er kennt 's Geheg waldei', waldaus,
 Aber aus 'm Eisei seine Aug'n,
 Da findt er si' do' nimmer 'raus!

G'schlenkt.

In Münka steig' i' in's Coupée
 Weil i' heut möcht' zum Kochelsee.
 Da sitzt am lin'n Fenster dro'
 Ganz brett'ibroat a Bauersmo'.
 Den Platz, den hätt halt i' so gern
 G'habt für an mir bekannt'n Herr'n,
 Der grad no' g'löst hat sei' Billett
 Und mit mir hat die Tour bered't
 — Weil links die schön're Aussicht is
 Sitz i' dem Bauern vis-à-vis,
 Und fang' glei' o' zum Ausstudier'n:
 Wia kannst den Kerl wegpraktizier'n?
 U Bauer hat an eigan Kopf,
 Oft mag er nôt, a so a Tropf
 Da derfst na' red'n zu eahm was d' kost'
 Es hilst di' nix, es is umso'st.
 Auf oamal, i' hätt beinah' g'lacht

fallt mir was ei' — jetzt gebt's 'mal acht:

„Es fahrt's g'wiß aa nach Penzberg 'nauf,

„Herr Nachba' P“ Sag' zu eahm i' d'rauf.

Diaweil'n hon i' scho' g'sehg'n und g'les'n

Was sei' Billet für oans is g'wes'n.

„„Na, na, nach Garmisch muaß i' nei'

„„J' wer' da scho' recht ei'g'stieg'n sei'P“

„Nach Garmisch? Ja, mei' lieber Mo',

„Da müaßt's an's drüb're fensta no!“

Glei' is er umag'roast der G'scheert,

Wia er von mir dös sell hat g'hört.

„„Dös,““ moant er, „„hon i' no' nöt g'wißt,

„„Daß bei der Bahn gibt Hott und Wißt!““

'S g'schaamige Deand'l.

'S schönst' Deand'l dös is in der G'moa
 U 's Nanderl ohne Red',
 Ma' sieh't's die ganze Zeit alloa,
 Is denn die gar so spröb?
 Bei Nacht hat's ihre Lad'ln zua,
 Daß Koaner fensterl'n kunnt.
 Damal tanzt blos a jeder Bua
 Mit ihr beim Wirt da drunt'.
 — An Burschen von der Danöb d'raus
 Den hat dös Nanderl gern.
 Sie genga nia am Sunnta aus
 'S kunnt's Jemand inna wer'n.
 Und kimmt er na' zua ihr auf d'Nacht,
 Derf er nöt fensterl'n fei'
 Weil sie halt gar so g'schaami is,
 Laßt's bei der Thür eahm 'nei'!"

'S Kaibi.

Weil er a übrig's Kaibi hat,
 fährt heut der Schorschl nei' in d' Stadt,
 Sei' Jüngster sitzt am Boß daneb'n,
 Der muaß eahm d'rinn auf's Roß acht geb'n.
 Bal irgendwo was z' b'sorg'n is
 Und z' thoa gibt's gnua' heut, dös is g'wiß.
 — Beim Stiefelwirth da spannt er aus,
 Stellt ei', und geht zum Diechmarkt 'naus.
 'S Micherl, so hoast der floane Bua,
 Der geht aa mit, und schaukt halt zua.
 U Wirt, der Schorschl kennt'n guat,
 Der fragt'n draus' im Übermuat:
 „Was kost' denn na' dös Kaibi da?“
 Und deut', ganz frech auf 's Micherl no'.
 Der Schorschl aber is nöt faul,
 Er woaß si' z'helfa mit 'm Maul.
 „„Du,““ moant er, „„brauchest nöt rausz'laffa
 „„Du hätt'st ja sel'm a Paar z'verkaffa!““

D' Nud'n.

(Wahre Begebenheit.)

U Bauernbursch von Miasbach z' Haus
 Der fahrt in 's Holz um Prüg'l 'naus;
 Weil er nôt hoam zum Ess'n kummt
 Da hat er dôsmal gar nôt brummt,
 Denn, daß er drauß' was hat zum Leb'n
 Hat d' Bäu'rin eahm dreiß'g Kûach'l geb'n.
 Von dene war a jed's so groß
 Als wia a Supp'nteller blos.

— Wia er na' hoamkummt gegen d' Nacht
 Da ham's g'spassige Aug'n g'macht,
 Hat der, so was is nôt zum Lob'n,
 Hoa oanzig's Scheit'l am Wag'n drob'n.
 Kreuzteufswild wird d'Bäurin glei'
 Stößt d' Händ' in ihre Hüft'n nei':
 „Was hast denn Du drauß' tho' im Wald?“
 „Ja — d' Nudl'n g'ess'n hon i' halt!“

Sie oder Du?

Komm' i' da an an Wirtstisch no'
 U Bua sitzt mit sein Vatern dro'
 Dene verzähl i' unter Ander'm
 Daß i' heut no' möcht' weiter wandern.
 Wo i' denn heut scho' g'wes'n bi'
 So fragt der Mo' zur Letzt' no' mi'.
 Dös Büabei, es war rein gen Lacha
 Paßt auf als wia a Haft'lmacha,
 Und weil 's mi' nöt verstand'n hat,
 So fällt 's mir gäh in 's Wort nei' g'rad.
 „Wo?“ fragt's, „wo bist Du heut scho' g'wes'n?“
 Sein Ernst fo' ma' vom G'sicht 'ra'les'n.
 Da Dots hört 's, wird zorni' glei':
 „„Muascht denn Du gar so vorlaut sei',
 „„Und was i' no' hab müasch'n hör'n,
 „„Wia sagt ma zua an fremd'n Herr'n?
 „„Wia hätt'st Du zua Dei'm Lehra g'sagt?““
 „Dös“, sagt der Bua, und woant dabei,
 „Dös, hon i' 'n no' nöt g'fragt!“

D' Kathl.

Die schelchst' von alle Sennerina
 Is d' Kathl von der Zwies'lalm
 D' Schlaueit wohnt in die Berg' aa drinna,
 Drob'n bei die Küah und bei die Kalm.
 Da kemma d' Stadtfrack auf'n Berg
 freu'n si' beim Anblick von der Hütt'n.
 „Herrgott, dös Steig'n, dös war a Werk,
 „Jetzt woll'n ma'" so sag'n's, „d'Sennerin,
 „Glei' um an Woadling Mili bitt'n!“
 Wia d' Kathl d' Leut' sieht, da schreit' s glei'
 In d' Hütt'n zua da Marie nei':
 „„Geh thua a Mili an's Feuer stell'n
 „„Bal die fremd'n da dort, a kuahwarne
 wöll'n!““

A Schlaumeier.

„Du, Sepp, hör' a Mal auf mei' Wort,
 „J' sollt' jetzt g'schwind nach Münka fort,
 „Und fahrat mit 'm Schnellzug gern,
 Wird da der G'spaß nôt theurer wer'n?“
 So fragt im Wirtshaus d'rin a Bauer,
 Und moant der Under', der wüßt's g'nauer.
 „Ja, mit 'm Schnellzug“, so sagt der,
 „Da, moan i', kost's Di' halt viel mehr!“
 „„A, was,““ so redt a Und'rer drei',
 „„Diel billiger, sag' i', muaß 's sei',
 „„Dös is do' scho an alter Schmarr'n,
 „„Ma' derf ja aa nôt so lang fahrn!““

'S Zähl'n.

„He“, frag i' mal an Bauernbuam
 „Geh' Kloaner, sag' mir 's glei'
 „Was hast d' denn in der Schul' scho' g'lernt,
 „A Jahr gehst bald scho' nei'?
 „„Ja, 's Les'n, 's Schreib'n und 's Zähl'n dazua““
 „Wie weit?“ „„Anderthalb' Stund weit!““
 Sagt der Bua.

'S Drangeld.

„Geh, Sepp, und thua die G'schicht verschmerz'n
 „G'nua Deandl'n gibt's no' auf der Welt
 „Und nimm Dir's nôt a so zu Herz'n,
 „Viel schön're gibt's no', und mit Geld!“
 So sagt zum Sepp sei' freund, der flori'
 Wia d' Res'l dem hat d' Liabschaft kündt'.
 „„I muaß's ja ham, dös is d' Gregori,
 „„Ja, bal i' nur an Ausweg find'.
 „„Dös Da verbittert mir ja 's Leb'n
 „„Hätt' i' ihr nur foa Drangeld geb'n!““

S' Legat.

Der Huaberbauer fühl't sei' End
 D'rüm macht er g'schwind sei' Testament;
 Und weil er möcht' die ewi' Ruah
 Zieht an Herrn Pfarra er dazua.
 An silbern' Leuchter gibt er her,
 Aber der Pfarra möcht' no' mehr.
 A floans Legat passet dem Herrn;
 Da könne's gar nöt eini' wer'n.
 Er redt' eahm zua, aber der Trops
 Der schüttelt blos allwei' sein Kopf.
 Der Pfarra stellt's eahm so schö' vor
 Aber er find't koo willig's Ohr
 „Bal dös stift'st, wirst mit'm G'sang begrab'n!“
 „„Na, na, i' mag 's nöt so guat hab'n!““

Der Liabsbriaf.

Der Kasper, der hat halt die Moidl so gern,
 Ja, bal nur die Moidl sei' Weibat's thaat wer'n.
 D'rüm schreibt er a Briaserl, gar zierli' u. sei'
 Da setzt er dös Alles und no' mehra nei'.
 Und z'nächst hat er's troffa, da red't er's glei' o':
 Und gibt ihr dös Briaserl, schaukt's treuherzi' o':
 „Du, Moidl i' hätt ebbas z'red'n mit Dir,
 „Ala — i' trau mir's nöt z'sag'n — i' ho' 's
 schriftli' bei mir!“

Der Heiratsvoratz.

Der flori, der hat d' Stafi gern
 — Die is a rechte Zanga —
 Mit der Hozat, da will's lang nix wer'n,
 Weil's mit'm Geld nôt g'langa.
 Da hat'n z'nachst a Bauer g'fragt,
 Wia's mit der Heirat stehat
 Zu dem, da hat der flori g'sagt,
 Daß nôt viel Zeit vergehat
 So a halb's Jahrl' moant er no',
 Na' funnt's halt g'schehg'n weg'n seina
 An guat'n Vorsatz hätt er scho'
 Si' jekt a bis'l z'schleuna.
 „An guat'n Vorsatz, na' is's g'wiß“
 — Denkt der — „Weil der Weg in d' Höll'
 Damit pflastert is.“

D' Erbschaft.

„Franz, zahl' a Maß, jekt bist ja reich,
 „Hast erst viel g'erbt, da is' s ja gleich!“
 „„J' zahl' loa Maß, dös waar gen Lacha,
 „„Du muaßt halt aa'r an Erbschaft macha!““

San aa scho' g'nua.

U Lehr'a kimmt in d' Schul' auf's Land
 Und lehrt die Buam dort allerhand
 Dös Rechna aber, na, o mei',
 Dös geht die Kaufa gar nôt ei'.
 „Ein Paar“, so halt' er mal a Lehr,
 „Das sind zwei Stück, und ja nicht mehr!
 „Wieviel sind zwei Paar Würste Stück?“
 So fragt an Buam er auf Probier.
 Der Schling'l hat 's errath'n zum Glück:
 „„Zwoa Paar,““ sagt der, „„ja, dös san vier.““
 „Jetzt denk' dir,“ so fragt weiter er,
 „Ich kaufe mir um zwei Paar mehr?“
 „„O, Jeffas,““ so schreit glei' der Bua,
 „„Du, moan i', hättst an zwoa Paar g'nua!““

Die mildernd'n Umständ'.

„Was, Franzl, was, Du aa 'r an Schiaba,
 Gibt's denn bei Dir dös aa mei' Liaba?
 „Bist sonst so nüachtern, und trinkst schier
 „U's ganze Jahr foa Tröpfel Bier!“
 „„Ja, schaug, drent' sitzt da Huaba Blasi'
 „„Mit dem hon i' was z'weg'n der Stasi
 „„'Leicht kunnt i' eahm heut mit der Zau'latt'n
 winke
 „„D'rum will i' mir z'ersch't mildernde Umständ
 o'trinka!““

Zwoa Freund'.

Der Sepp und der Schorschl in's Wirtsbaus
 san ganga,

Und ham si' selbander an Uff'n dort g'fanga.

Dom viel'n Dischputiern wer'n d'Gmüather gar
 hiki',

Und Daner auf'n Ander'n gar wild und ganz
 stüki'.

Eh's nur recht dro' denka auf oamal geht's los,

An Maßtruag am Schäd'l auf d'Nas'n an Stoß

Da Aug halbat rausg'haut, a Ohrwaschl' z'biss'n

Wia da Jeder ausschaut, a's Gwand ganz deriss'n!

Und wia d'Polizei kimmt: „Was wär denn jetzt
 das?“

Da sag'ns alle Zwoa g'schwind: „„Es war ja
 blos G'spaß!“

A triftiger Grund.

„Geh', Wab'n, schimpfst' allaweil dein' Bauern,
 „Und laßt eahm Tag und Nacht foa Ruah,
 „Der arme Mo', der möcht Dam dauern,
 „Er gibt dir do' foan Grund dazua?“
 „„So? Dös hat mir foa Mensch no' tho',
 „„Als wia der Herrschaftsag'ndi!““
 „Ja — sag' nur glei', was dös sei' fo'P“
 „„So, was? Ja, g'heirat hat er mi!““

D' Predi'.

Der Herr Vikari halt' heut d' Predi',
 Die is dösmal scho' b'sonders g'schmalz'n
 Heut hat er 's decht a Wengerl nöti'
 Dö Bauern eahna G'müat z' versalz'n.
 Heut is er über 's Raaffa kumma,
 Da schimpft er 's z'samma, was er fo',
 Hint' bei der Thür, da theans scho' brumma:
 „Er hat ja z'nachst'n selm mittho!“
 „„Schimpf nur,““ moant Daner, „„heut beim
 Bier,
 „„Am Ab'nd, bal g'raafft werd, sag'n Dir 's
 Mir!““

D' Leonhardifahrt.

„O, heiliger St. Leonhard
 „Schau gnädi' ra' auf unser Fahrt,
 „Und sorg', daß mir durch unser Fahr'n
 „Den teuer'n Viechdofta erspar'n.
 „Bitt' schö', thua di' für mi' verwend'n,
 „Bei dei'm Colleg'n z' Beuern*) drent'n,
 „Der is, wia jeder wiss'n thuat,
 „Halt für die Rösser gar so guat.
 „Do' i' hon heuer mehra Küah
 „D'rum fimm i' dösmal halt zu Dir.
 „Bei Ent Allzwoa kon i' nöt sei'.
 „Zu gleicher Zeit, dös siehst do' ei'
 „D'rum ho' für mi' halt aa 'r a Wort
 „Bals d' z'samm'fimmist mit dem Heiling dort!“
 — Der Vetrinär, der schaut so zua,
 Der, moant ma', wird si' ärgern g'nua;
 Was ärgern Der? Warum nöt gar,
 Der schickt blos d' Rechnung auf Neujahr!

*) = Benediktbeuern.

Verschiedene Auffassung.

U Stadtfräulein kimmt in an Stall
 Und schaut der Dirn da drinna zua,
 Gar gern hätt sie 's probiert a Mal
 Und g'molf'n so a Umatuah.
 Die Stalldirn geht a Wengerl naus,
 Da will's dös fräulein g'schwind probier'n.
 Aber o Jammer und o Graus!
 Die arme Kuah möcht schier frepier'n.
 Diaweil'n kummt die Dirn halt rei'
 Und sieht dös fräulein a so dölf'n,
 „Habt's denn Ds gar nir g'lernt?“ moants glei',
 „Und könnt's denn Ds no' gar nôt melf'n?“

G'müathli'.

„Sepp, Du hast g'schwor'n, Du woast as g'nau,
 „Weil d' selber warst dabei,
 „Und bist jetzt Zeug', verzähl die G'schicht
 „Von dera Raafferei,
 „Da wo 's beim Wirt von Sag'nfam
 „Am Kirtasunnta' vorig's Jahr
 „Dem Schorsch oa Aug' glei' ausg'schlag'n ham
 „Dös sag' uns jetzt wia's war!“
 „„No',““ moant der, „dös is glei' bericht',
 „„Mir sitz'n g'müathli' beianand,
 „„Epp's Böß' hat Koaner denkt
 „„Da schaug i' eahm a Mal in 's G'sicht,
 „„Is 's Aug' eahm auffi g'hängt!““

D' Wetterbitt.

Sanct Peter'l, was treibst D' denn,
 Schaug' auffi wia's schütt',
 I' wollt' heut' a'm Berg geh',
 O, hör' auf mei' Bitt',
 Und laß 's nôt so reg'na,
 Sei' nôt a so load.
 Verbarm' Di' der Bauern,
 Und um eahna Troad.
 Verbarm' Di' aa meina
 Und thua nôt so sei',
 I' brauch' a schön's Wetta;
 Dös siehgst ja do' ei'l
 Laß' d' Sunn' wieder scheina,
 Na' werd ja All's guat;
 Den zwoat'n Busch'n Almrausch,
 Steck' i' Dir z' Ehr'n am Huat.
 Warum i' den erst'n
 Dir nôt thua verehr'n?
 Ja schaug, weil halt der scho'
 Mei'm Dirnd'l thuat g'hör'n!

Blauaugate Deandl'n.

Blauaugate Deandl'n
 Mit blondglockte Haar',
 Die seh' i' am liebst'n,
 Ganz g'wis is's und wahr.
 Seh' i' so a Deandl
 Na nur von der Weit',
 So hon i' halt allweil
 Die allergrößt' Freud'l
 — Der Sunnschei' is golda,
 Der Himmi is blau,
 Mir is, seh' i' so a Deandl
 Ob i' in Himmi nei' schau.
 Schwarzhaarige Deandl
 Und kohlschwarze Aug'n
 Die woll'n für mein Gusto
 Halt gar nôt recht taug'n.
 Schwarz is die Eifersucht,
 Schwarz is aa d' Nacht,
 Do d' Freud, die is golda,
 Wo g'scherzt wird und g'lacht.
 Auf'm Köpferl liegt der Sunnschei'
 Der Himmi in die Aug'n.
 J' fürcht schiar i' kunnt a Mal
 J' tiat einischaug'n.
 Und do sag i' allweil,
 Und 's bleibt aa dabei:
 „Bal mi' Dane mög'n thaat
 „Müaß't's blauaugat sei.'“

Zum Schluß!

Un frisch'n Hamur,
 Dom Lar-Sei' foa Spur,
 Z' steil ninderscht a Pfad,
 Und z' gaach aa foa Grat.
 U saubere Wir,
 Und a Hund, und a Bir,
 U feda am Huat
 Und an Enzian Bluah;
 Zu foam Deand'l nöt z'weit,
 Dös g'hört zua der Schneid'!



This book should be returned to
the Library on or before the last date
stamped below.

A fine is incurred by retaining it
beyond the specified time.

Please return promptly.

MAR 5 - '63 H

